

時疫大作有張彥才者夢一道士入其家求庭前樟樹為呂仙像張許之明日樟被風拔置庭下疫遂息今仙像即此木也元末像之左手指間產芝一本狀若蓮花馨香襲人

武昌賣墨

呂帝遊武昌為貨墨客墨一笏僅寸餘而價錢三千連不售有鼓刀王某曰墨小而價高得無有意耶自以錢三千求一笏且與客劇飲醉歸昏睡午夜俄有叩戶者乃客以錢還之辭去比曉視墨乃紫磨金一笏上有呂字遍尋客已不復見

墨化成金

韓忠獻公琦晚年延方士呂帝為衣冠而來見韓曰君何能曰

道藏輯要

聖蹟紀異

書

卷五

能墨試令為之即掘地坎澳焉韓不悅呂帝利探坎中泥為墨曰成矣遂去公徐取墨視之乃真金也上有呂字破之徹肌理韓追悔無已

管片浮波

涿江筆師翟某喜接方士呂帝往見翟館于家禮遇殊至自是往來彌年一日翟翟遊江之滸嘴筆管為一片浮於波上呂帝履其一引翟效之翟怖不敢前呂帝笑而濟及岸俄不見翟始悔浹旬復來自挈飲食食翟皆臭腐也翟掩鼻謝弗食呂帝太息曰若不能惡食吾以肉醬兩甌遺君遂去不復見開視醬甌皆麩金也